

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0048902 22
Zenica, 02.04.2025. godine

OPĆINSKI SUD U KAKNJU
- Sudiji za prethodno saslušanje -
K A K A N J

Na osnovu člana 45. stav 2. tačka i) u vezi sa članom 241. stav 1. i članom 350. Zakona o krivičnom postupku F BiH, p o d i ž e m

O P T U Ź N I C U

Protiv:

F. S., neosuđivan

što je:

dana 25.04.2022. godine, oko 00,50 sati, u mjestu Č., , upravljajući pmv. marke VW „Golf IV“, reg. oznaka, krećući se regionalnim putem K.-V. iz pravca V., vozio neoprezno i nedovoljno pažljivo jer je preduzeo radnju uključenja na regionalni put K.-K., a da se prethodno nije uvjerio da navedenu radnju može izvršiti na bezbjedan način, jer je po dolasku na raskrnicu tog puta i regionalnog puta K.-K. koji put je bio saobraćajnim znacima označen kao put s prvenstvom prolaza, nije propustio sva vozila koja su se kretala regionalnim putem K.-K. već je započeo uključivanje na taj regionalni put, iako je bio svjestan da na taj način može ugroziti javni promet i dovest u opasnost život ljudi, ali je olako držao da do toga neće doći, pa postupajući suprotno odredbama člana 49. stav 4. Zakona o osnovama bezbjednosti saobraćaja na putevima u BiH, vozeći tako, oduzeo pravo prvenstva kretanja pmv. marke VW „Golf V“ reg. oznaka ..., kojim je upravljala K.M., zbog čega je došlo do naleta i udara prednjom stranom njenog vozila sa prednjom stranom njegovog vozila, ugrozivši tako sigurnost javnog prometa, kojom prilikom je saputnik u vozilu VW „Golf V“, K. A., zadobila tjelesne povrede u vidu traumatskog krvarenja ispod paučinaste opne mozga i nagnječenja glave sa oguljotinom kože oko i ispod desnog oka, koje povrede u svom ukupnom dejstvu predstavljaju tešku tjelesnu povredu,

dakle, kao učesnik u prometu na putevima, ne pridržavajući se prometnih propisa ugrozio javni promet i time kod drugog prouzrokovao teške tjelesne ozljede,

čime je počinio krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.